



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

6. Venerabilibus Fratribus &c. Concessio Privilegiorum pro nonnullis suis
familiaribus.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

aliisque Apostolicis, ac in universalibus, provincialibusque Conciliis editis generalibus, vel specialibus Constitutionibus, & Ordinationibus, nec non quibuscvis, etiam juramento, confirmatione Apostolica, vel quavis firmitate alia roboratis Statutis, & consuetudinibus, etiam immemorabilibus, privilegiis quoque, indultis, concessionibus, immunitatibus, exemptionibus, chirographis, cedulis motuum propriorum, & aliis scripturis, & Litteris, etiam Apostolicis predictis, & quibuscvis aliis, etiam ut praefertur qualificatis, ac speciali nota, & mentione dignis, etiam nominatim essent exprimendae, sub quibuscunque verborum tenoribus, & formis, ac cum quibuscvis, etiam derogatoriis derogatoriis, aliisque efficacioribus, & infolitis clausulis, ac irritantibus, & aliis Decretis, etiam inexcogitabilibus, & necessariis exprimendis, etiam contra dictus jurati cum Camera Nostra Apostolica initi, & Camerali obligatione vallati, & quovis alio robore, & cautela firmatis, editis, seu factis, ac aliis quomodolibet in contrarium praemissorum concessis, confirmatis & pluries innovatis. Quibus omnibus & singulis, etiam si in eis caveatur expresse, quod nullo unquam tempore sub similibus vel dissimilibus exemptionum, & immunitatum revocationibus, abrogationibus, annulationibus, aut aliis quibuscunque contrariis dispositionibus, & Constitutionibus, pro tempore edendis comprehendantur, sed semper ab illis excepta, & quoties illae emanant, toties in pristinum eumque validissimum statum restituta, reposita, & reintegrata, ac etiam sub posteriori data per quascunque personas eligenda de novo concessa sint, & esse censeantur, nec non pro sufficienti eorum derogatione de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes mentio, seu quavis alia expressio facienda, aut alia exquisita forma ad hoc servanda foret, illorum omnium, & singulorum tenores, formas, & occasiones praesentibus pro plenè, & sufficienter expressis, insertis, ac servatis respectivè habentes, illis aliis in suo robore permanentibus, ad praemissorum effectum specialiter, & expresse derogamus, ac derogatum esse volumus, ceterisque contrariis quibuscunque.

§. 16. Ut autem eadem praesentes Litterae ad omnium notitiam facilius deveniant, volumus & auctoritate Apostolica decernimus, illas ad valvas Basilicae Principis Apostolorum, & Cancellariae Apostolicae, ac in acie Campi Florae de Urbe per aliquem ex Curatoribus Nostri publicari, ac illarum exempla ibidem affixa relinqui, quae sic publicatae omnes & singulos, quos concernunt, perinde afficiant, & arceant, ac si illorum unicuique personaliter notificatae, & intimatae fuissent.

§. 17. Utque earundem praesentium transumptis, seu exemplis, etiam impressis, manu Notarii publici subscriptis, & sigillo alicujus personae in Ecclesiastica dignitate constitutae munitis, eadem fides in iudicio, & extra illud adhibeatur, quae praesentibus adhiberetur, si forent exhibitae, vel ostensa. Datum Romae apud Sanctam Mariam majorem sub Annulo Piscatoris die 24. Decembris 1689, Pontificatus Nostri anno primo.

J. F. ALBANUS.

SANCTISSIMI D. N. D. ALEXANDRI
Divina Providentiæ Papæ VIII.

Concessio Privilegiorum pro nonnullis suis familiaribus.

ALEXANDER PAPA VIII.

Venerabilibus Fratribus, Bandino Panciatico Patriarchæ Hierosolymitano Datario, Her-

culi Vicecomiti Archiepiscopo Damiaten. Palatii Nostri Apostolici, ac Josepho Eufanio Prophyrien. Sacarii Nostri respectivè Praefectis, & Joanni Baptistæ Rubino Vicentin. Episcopis Secretario Status, ac Dilectis Filiis Magistris Mario Spinulae Januen. Litterarum Nostrearum in formâ Brevis, quæ ad Principes scribuntur, Joanni Francisco Albano Urbinaten. Brevium Nostrorum Secretorum, respectivè Secretariis, & Marcello de Aste Romano in utraqve signaturâ Nostâ Referendario Auditori Nostro. Prælati Domesticis Nostri; Ac Petro Draghi Bartoli Veneto Cubiculi Nostri Praefecto, Mariano Gabrieli Aquilejen. Pincernæ, Josepho Tempestino Romano Architricino, Francisco Maggi Aretin. Vestiaro, Josepho Felici Reatin. Elemosynario Secreto, Bernardino Sarti Ariminen. Romulo Speciole Firman. Medico Secreto, & Raphaeli Fabretti Urbinaten. Libellorum supplicum Nobis porrectorum Secretario, Cubiculariis intimis, seu secretis; nec non Urbano Roccio Romano Forerio Majori, & Theodoro Cellesio Pistorien. Fratri Militi Magnæ Crucis Hospitalis Sancti Joannis Hierosolymitani, ac Comiti Alexandro Capicuchio Romano iidem Cubiculariis Secretis, & Josepho Sacripanti Narnien. Aulae Nostre Confistorialis Advocato Subdatario, ac Bartholomæo Clementi Camerinen. Caudatario, Joanni Paulo Romaldi Aſin. Crucifero, Joanni Bisalga Vercellen. & Bernardino Porti Bononien. Cappellani Secretis, nec non Aeneæ Brugioni Casenaten. Antonio Scipioni Gabelotti Faventin. Alexandro Ferni Laudem. Bernardino Ceci Alatin. & Ludovico del Nero Romano respectivè Civitatum vel Diocesum Clericis seu Presbyteris, vel Laicis Cubiculi Nostri Adjutoribus familiaribus, continuis commensalibus Nostri, Salutem & Apostolicam Benedictionem.

Circumspecta Romani Pontificis gratiarum dispensatoris providentia devotos, & fideles suos, illos praesertim, qui grata familiaritatis obsequia jugiter ei impendunt, ac quos ad id aliis propria virtutum merita commendant, honoris, & famae amplioribus praconiis, ac praeclaris dignitatum titulis decorare, & ornare, nec non specialis benevolentiae favoribus amplecti solet, prout personarum qualitatibus conspicit convenire.

§. 1. Hinc est, quod Nos ad grata familiaritatis obsequia, quæ vos, qui etiam continui commensales Nostri existitis, & quilibet vestrum Nobis hæcenus impendistis, & adhuc sollicitis studiis, impendistis nec non ad vitae, ac morum honestatem, aliaque laudabilia probitatis, & virtutum merita, quibus personas vestras, etiam familiari experientia juveni percipimus, condignam rationem habentes, ac propterea easdem personas vestras peculiaris favore gratiae, ac specialis honoris, & excellentiae dignitatis titulo sublimare volentes, vosque, & quemlibet vestrum à quibuscvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis, si quibus quomodolibet innodati existitis, ad effectum praesentium dumtaxat consequendum harum serie absolventes, & absolutas fore censentes; Motu proprio, non ad vestram vel alterius pro vobis super hoc oblate petitionis instantiam, sed de merâ liberalitate, & certâ scientia Nostri, ac de Apostolica potestatis plenitudine vos, & quemlibet vestrum respectivè in Nostros, & Sedis Apostolicae Notarios (sinè tamen praesudicio Dilectorum Filiorum Notariorum de numero participantium) Apostolicâ auctoritate tenore praesentium recipimus, ac Sacri Palatii, & Aulae Lateranen. Comites, nec non auratae Militiae Equites, ac Nobiles Romanos, & Urbis Romæ, ac Civitatum Avenionen. Bononien. Ferrarien. & Beneventan. omniumque, & singularum aliarum Civitatum, Terrarum, & lo-

Nomina
familiarium Sancti-
tatis Suae.

Exordium
à solito more favendi
familiaribus.

Motu proprio creat
Notarios, Comites
Palatinos, Equites,
Nobiles Romanos
ac Civis Urbis &
aliarum Civitatum.

corum

Publicari
mandat, &

Transumptis fidem
adhiberi.

P. A. primo
24. Decembris
1689.

VI.

Concilii
Tridentini
Reformatio
preferatur, &
in aliqui-
bus privi-
legium re-
stringitur

Concedit
insignia
gentilitia
Suz San-
ctitatis.

Eximuntur
à decimis,
imposi-
tionibus,
taxis, ve-
ctigalibus
ac tributis
durante
servitio.

corum Romanæ Ecclesiæ mediâ vel mediâ sub-
jectorum Cives, cum omnibus juribus, jurisdic-
tionibus, prærogativis, & insignibus debitis, & con-
suetis creamus, ac constituimus, ac in numerum,
& consortium aliorum Nostorum, & ejusdem Sedis
Notariorum, nec non Palatii, & Aulae hujus-
modi Comitum, Equitum, & Nobilium Roma-
norum, aliorumque Civium Civitatum, & Terra-
rum prædictarum referimus, & conscribimus; Vo-
bisque, etiam si habitum, & rocchetto Notario-
rum dictæ Sedis juxta Decreta Lateranensis Concilii
novissime celebrati non deferatis, aut Civitates hu-
jusmodi non incolueritis, nec unquam in eisdem
Civitatibus domicilium habueritis, ut omnibus, &
quibuscunque privilegiis, & facultatibus, exemp-
tionibus, immunitatibus, libertatibus, favoribus,
gratiis, & indultis, quibus cæteri omnes Notarii
Nostri, etiam de numero participantium, ac Co-
mites, Equites, & Nobiles (citâ tamen exemp-
tiones à S. Concilio Tridentino sublatis, ita ut ne-
dum quoad criminalia, sed etiam quoad civilia sub-
jaceatis Ordinariis, ac citâ facultates legitimandi,
ad gradus promovendi, Notarios, seu Tabelliones
creandi, aliaque hujusmodi privilegia à Notariis, &
Comitibus præfatis præsentia, ita ut illis nullibi
uti valeatis, ac irritum, & inane existat quic-
quid secus per vos, aut quemlibet vestrum respec-
tively attentari contigerit) nec non Cives origina-
rii, etiam in Dignitatibus, Beneficiis, & Offi-
ciis Ecclesiasticis, ac Secularibus, etiam ex
personis Romanorum Civium originariorum vacan-
tium assecutione & exercitio tam in Urbe, quam
in omnibus, & singulis Civitatibus prædictis, &
alias ubique locorum, & gentium, nec non Ses-
sionum, & Conventuum utuntur, potiuntur, &
gaudent, ac uti, potiri, & gaudere poterunt quo-
modolibet in futurum, non solum ad eorum in-
star, sed pariformiter, & aequè principaliter, ac
si privilegia, facultates, exemptiones, gratiæ, &
indulta hujusmodi pro vobis emanassent, uti,
potiri, & gaudere, ac in omnibus & singulis Apo-
stolicis aliisque Litteris, instrumentis, & scripturis
publicis, & privatis deinceps nomine vestro confi-
ciendis Notarios, Comites, Equites & Nobiles,
ac de nobili genere ex utroque parente procreatos,
nec non Romanos & aliarum Civitatum, & Ter-
rarum Cives, prout libuerit, vos inscribere, &
illis subscribere valeatis, ac pro veris, & non fi-
ctis Notariis, Comitibus, Equitibus, & Nobili-
bus ac Civibus habeamini, nihilque qualecunque
illud fuerit, cum iis subscriptionibus subreptitum,
vel obreptitum, aut invalidum, sed illud idem
efficax in omnibus censeatur.

§. 2. Nec non honoris causâ insignia gentis
Nostre, sive integrè, sive cum vestris respective
composita gestare possitis, prout vobis placuerit,
concedimus.

§. 3. Et insuper vos vestraque Beneficia, &
Officia Ecclesiastica quæcunque, quotcumque, &
qualiacunque, illorum fructus, res & jura ubi-
cunque locorum, Regnorum, & Provinciarum,
nec non in Urbe, Civitatibus Terris, & Locis,
eidem Romanæ Ecclesiæ mediâ, vel immedi-
atè subjectis consistentia, prædia, domos, posses-
siones, & bona patrimonialia, aliaque temporalia
mobilia, & immobilia, ac se moventia, nec non
actiones, & jura præsentia & futura, cujuscunque
qualitatis, quantitatis & naturæ, ac cujusvis etiam
annui valoris fructus, redditus, & proventus hu-
jusmodi sint, vel fuerint, ac etiam quæcunque à
vobis vendenda, ac pro vestris, ac familiarum ve-
strarum usibus emenda ab omnibus, & quibuscunque
decimis, quartis, & dimidiis partibus, sub-
sidiiis, etiam charitativis, nec non vectigalibus,
portoriis, tributis, datis, pedagiis, collectis, &
quocunque alio nomine nuncupatis angariis, pe-
rangariis, cæterisque oneribus, & contributioni-
bus tam urbanis, quam rusticis ordinariis & ex-
traordinariis, realibus, personalibus, & mixtis

etiam ratione munitiorum, moenium & pontium,
portarum, & molicurarum & mercium, cujuscunque
generis transitus, seu passus, & vecturæ, etiam in
aliud territorium, seu provinciam, terra, mari, &
flumine, nec non equorum mortuorum, stabula-
tionum, militum, institutionis Seminarii Ecclesia-
stici, aut quæcunque alia quantumvis gravi, &
gravissima causa, (pro subventionem contra infide-
les dumtaxat excepta) nunc & pro tempore im-
positis, ita quod vos, & quilibet vestrum nihil
omnino horum, aut aliorum similium subire tene-
mini, nec per Camera Apostolicæ, aut alios Com-
missarios, seu vectigalium, & tributorum hujusmo-
di Redemptores, Conductores, & Exactors quo-
cunque privilegio, exemptione, & facultate, sus-
sultos, alias quam ut præfertur, valeatis coarctari
(quomdiu servitio Nostri insisteritis dumtaxat)
eximimus, & liberamus.

§. 4. Ad hæc vobiscum, & cum quolibet ve-
strum respective, ut quæcunque duo dissimilia,
vel simplicia similia sub singulis tribus testis qua-
rumcumque trium Cathedralium, etiam Metro-
politarum, & aliarum, etiam Collegiarum
Ecclesiarum consistentia, etiam si unum ex illis omni-
bus cum curâ, aut Dignitas etiam major, & prin-
cipalis, Canonici & Præbenda, Personatus, ad-
ministratio, vel officium fuerit, & ad dignitatem,
Personatum, administrationem, vel officium hu-
jusmodi consueverit quis per electionem assumi, ei-
que cura etiam jurisdictionalis imminet animarum,
si alicui vestrum alias Canonice conferatur, aut
quisque vestrum eligatur, præsentetur, aut alias
assumatur ad illa, & instituat in eis, recipere,
& dummodo illa omnia (uno excepto) persona-
lem residentiam non requirant, infirmul quoad vi-
xeritis, retinere.

§. 5. Nec non etiam, quomdiu Nobis inservieritis
tantum, in Beneficiis Ecclesiasticis etiam curatis (non
tamen Parochialibus, nec curatis curâ animarum
Parochianorum) per vos pro tempore respective
obtentis, etiam de jure, statuto, fundatione, vel
privilegio, personalem residentiam requirentibus,
etiam si Dignitates in Cathedralibus, etiam Metro-
politanis, post Pontificalem majores, ac Collegiatis
Ecclesiis hujusmodi principales fuerint, personali-
ter residere non teneamini, nec per locorum Or-
dinarios, aut Ecclesiarum earundem Capitula,
seu quovis alios ad residendum interim in illis in-
viti compelli possitis, omnesque, & singulos ni-
hilominus vestrorum Beneficiorum obtentorum fru-
ctus, redditus & proventus, durante servitio præ-
dicto, cum eâ integritate (distributionibus quoti-
dianis dumtaxat exceptis) cum qua illos perciperitis,
si in eisdem Ecclesiis, sive locis personaliter
resideretis, percipere, exigere, & levare.

§. 6. Ac interim vel postmodum si volueritis,
in Romana Curia, vel extra eam à quocunque,
quem malueritis Catholico Antistite gratiam, &
communione ejusdem Sedis habente, quem du-
xeritis eligendum, ad omnes, etiam sacros, &
Presbyteratus Ordines aliquibus tribus Dominicis,
vel aliis festis diebus, etiam extra tempora à Ju-
re statuta, proprii Ordinarii, aut cujusvis alterius
licentiâ desuper minime requisitâ, si alias ad id ido-
nei reperti fueritis, super quo Antistitis conscien-
tiam oneramus, promoveri, & promoti in illis
etiam in Altaris Ministerio ministrare.

§. 7. Nec non, etiam si Presbyteri fueritis, ac
dignitates, & officia obtinueritis, Leges, &
Jura Civilia, etiam publicè in Scholis & Univer-
sitatibus studiorum generalium ad quinquennium
dumtaxat, dummodo trigésimum ætatis annum
non exceperitis, audire, & si habiles, & suffi-
cientes reperti fueritis, etiam ad Doctoratus Gra-
dum in hujusmodi Facultate vos promoveri facere,
ipsaque Jura etiam publicè docere, atque Judicis,
Advocati, & Procuratoris Officium in causis Ec-
clesiasticis, & Civilibus tantum exercere liberè, &
licet possitis, & valeatis, auctoritate, & re-

Indul-
tum reti-
nendi duo
Beneficia
sub eodem
testo in
tribus Ec-
clesiis.

Indultum
non resi-
dendi du-
rante ser-
vitio &
percipien-
di fructus
in absentia

Indultum
etiam ter-
minato ser-
vitio susci-
piendi Or-
dines extra
tempora &
sine licen-
tiâ Ordina-
rii.

Jus Civile
audiendi &
legendi, &
causas civil-
es & Ec-
clesiasticas
patroci-
nandi.

nore prædictis de specialis dono gratiæ dispensamus.

Eligendi
Confessarii
qui
à censuris
& reservatis
absolvere
& vota
commutare
valeat

§. 8. Liceat quoque vobis, & cuilibet vestrum aliquem idoneum, & approbatum ab Ordinario Presbyterum Secularem, vel cuiusvis Ordinis Regularem in vestrum eligere Confessorem, qui vitam cuiuslibet vestrum comite, vos & quemlibet vestrum à quibusvis excommunicationis, suspensionis, & interdicti, aliisque Ecclesiasticis sententiis, censuris & pœnis à jure, vel ab homine quavis occasione, vel causâ latis, & per vos incurris, & quibus vos etiam Apostolicâ auctoritate illaqueari contigerit, etiam si absolutio Nobis, & Successoribus Nostri Romanis Pontificibus pro tempore existentibus specialiter, vel generaliter reservata existat, & quorumcunque votorum, & Ecclesiæ præceptorum transgressionibus, homicidio casuali, manuum violentarum in quavis personas, etiam Ecclesiasticas (non tamen Episcopos, vel alios Superiores Prælatos) de præterito iniectionibus, seu consiliis, vel favoris ad id præstationibus, jejuniorum omissionibus (non tamen recitationis horarum Canonicarum, aliorumque Divinorum officiorum) & denique ob omnibus & quibuscunque aliis vestris peccatis, criminibus, & excessibus, ac delictis, quantumcunque gravibus, & enormibus, etiam talibus, propter quæ Sedes prædicta meritò consulenda foret, videlicet à contentis in Litteris die Cennæ Domini publicari consuectis, semel tantum in vita & mortis articulo; in reliquis verò dictæ Sedi quomodocunque reservatis, aliisque quibusvis casibus semel in anno, confessionibus vestris diligenter auditis (sine tamen alicujus præjudicio) auctoritate Apostolicâ absolvere, & vobis pro commissis penitentiam injungere salutarem, nec non vota quæcunque (ultramano visitationis liminum Beatorum Petri & Pauli Apostolorum, castitatisque, & Religionis votis dumtaxat exceptis) in alia pietatis opera commutare valeat.

Facultas
transfere
endi pen
siones et
iam alias
translatas
usque ad
summam
300. Ducat
orum.

§. 9. Vobisque ulterius, & cuicumque vestrum respectivè, ut quicumque loci Ordinarii, vel Canonici Metropolitanarum, seu aliarum Cathedralium Ecclesiarum, aut personæ in dignitate Ecclesiasticâ constitutæ, tam in dictâ Curia, quam extrâ eam ad id per vos respectivè coram Notario, & testibus fide dignis eligendi, seu eligendæ, quascunque pensiones annuas vobis super mensuram Abbatialium, seu Capitularium, ac Episcopatum, & Archiepiscopatum, ac quorumcunque Beneficiorum Ecclesiasticorum, cum curâ, & sine curâ secularium, & quorumvis Ordinum, & Militiarum regularium, etiam Hospitalis S. Joannis Hierosolymitani prædicti quomodocunque, & qualitercunque qualicatorum fructibus, redditibus, proventibus, juribus, obventionibus, & distributionibus etiam quotidianis, seu illarum loco fructus, redditus, proventus, jura, obventiones, distributiones, & emolumenta vobis nunc, & pro tempore assignata, & reservata, ac reservanda, pro summâ videlicet trecentorum ducatorum auri de Camerâ quoad singulos vestrum, quandocumque alicui vestrum respectivè placuerit, simul, vel successivè in toto, vel in parte, etiam in cujuslibet vestrum mortis articulo cassare, & extinguere, ac postquam cassatæ & extinctæ fuerint, alias similes pensiones annuas super eisdem fructibus, redditibus, proventibus, juribus, obventionibus, & distributionibus, & emolumentis, seu illarum loco fructus, redditus, proventus, jura, obventiones, distributiones, & emolumenta hujusmodi usque ad summam, & quantitatem prædictam uni, vel pluribus aliis personis, etiam per vos nominandis, etiam quæcumque, quocumque, & qualiacumque Beneficia Ecclesiastica obtinentibus, & expectantibus Clericis, seu Clericali caractere

insigniri volentibus, etiam eis quoad vixerint, seu eorum Procuratoribus ad id speciale ab eis mandatum habentibus iisdem modo, & forma, quibus vobis assignatæ, & reservatæ, seu assignata & concessa fuerint respectivè, etiam absque consensu eisdem pensionesolvere debentium, etiam si illas, vel illa alias cassari, & reservari de novo faciendi facultatem non habueritis, ac pensiones & fructus, redditus, proventus, jura, obventiones, ac distributiones & emolumenta hujusmodi etiam pluries cassata, & de novo assignata fuerint usque ad summam, & quantitatem prædictam, etiam Litteris Apostolicis super reservationibus, & assignationibus hujusmodi non confectis, ac alias cum omnibus, & quibuscumque exemptionibus, privilegiis, Decretis, clausulis, cautionibus, vinculis, obligationibus, & cautelis, ac etiam censuris, & pœnis in prioribus reservationibus hujusmodi concessis, & contentis, nec non cum subrogatione in quibusvis vestris juribus etiam quoad quasi possessionem exigendi, in quâ tunc eritis, integrè persolvendas, servata tamen formâ Constitutionis sel. rec. Innocentii Papæ XI. Prædecessoris Nostri super translationibus pensionum editæ, reservare, constituere, & assignare valeant, auctoritate & tenore prædictis de speciali gratiâ indulgemus.

§. 10. Nec non etiam vobis, ut de omnibus & singulis domibus, prædiis, possessionibus, terris, & locis, ac jurisdictionibus cæterisque bonis mobilibus, & immobilibus, quæ tamen non sint Altaris seu Altarium, Ecclesiarum vobis commissarum Ministerio, seu alicui speciali earundem Ecclesiarum Divino cultui seu usui deputata, seque moventibus, cujuscumque qualitatibus, quantitatibus, valoribus, speciebus, pretiis, & conditionibus existentibus ac juribus & actionibus ad vos ratione Ecclesiarum, etiam Cathedralium, & Metropolitanarum, quibus vos forsitan præesse contigerit, nec non Monasteriorum, Prioratuum, Præpositurarum, dignitatum, & aliorum quorumcunque Beneficiorum Ecclesiasticorum cum curâ & sine curâ secularium, & quorumvis Ordinum regularium, quæ etiam ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtinueritis, obtinetis, & obtinebitis, ac fructuum, reddituum, & proventuum Ecclesiasticorum loco pensionum, ipsarumque pensionum annuarum super similibus fructibus, redditibus, & proventibus vobis reservatorum, & assignatorum, ac reservandorum, & assignandorum, quos, & quas perceperitis, percipitis, & percipietis in futurum, nec non emolumentorum quorumcunque Romanæ Curie officiorum, & alias quomodolibet spectantibus, & pertinentibus, ac etiam de dictis proventibus, fructibus, redditibus, & pensionibus annuis, nec non vestris, & cuiuslibet vestrum industria, & labore quomodolibet, & undecumque, licet tamen acquisitis, & acquirendis, ac alias etiam de muneribus, & Officiis, quæ exercueritis, & vos exercere contigerit, & alias quavis occasione, vel causâ, seu contemplatione ad vos perventis, & perventuris, etiam si in pecuniâ numeratâ, jocalibus, gemmis, aliisque pretiosioribus rebus consistant, tam in dictâ Curia quam extrâ eam ubique locorum, etiam penes Beneficia ipsa existentibus (quorum omnium qualitates, & veros etiam annuos valores, etiam si talia forent, quæ generali appellatione bonorum, & suppellectilium non venirent, sed specialibus indigerent vocabulis, præsentibus, ac si specificè, & sigillatim exprimerentur, & denominarentur, pro sufficienter expressis, ac declaratis haberi volumus) usque ad summam sex milium ducatorum auri de Camerâ pro unoquoque vestrum, ac etiam de ipsis fructibus, redditibus, & debendis (servatâ tamen formâ Constitutionum Apostolicarum jam editarum, & si quas deinceps edi contigerit super fructibus in ex-

Facultas
testandi &
quomodo
libet di
sponendi
usque ad
summam
sex mille
ducatorum
& sine so
lennitati
bus.

(tis) etiam cumulative, cum quibuscumque aliis similibus vel dissimilibus facultatibus habitis, & habendis, tam pro decentibus, & honestis impensis funebribus, quam etiam pro remuneratione illorum, qui vobis viventibus servierint, etiam ultra servitii meritum, ac in vestrorum consanguineorum, & affinium, ac quorumcunque locorum piorum favorem, & usum, ac aliis pro arbitrio, & voluntate vestris, & cujuslibet vestrum absolutis testari, & testamento, codicillis, fideicommissis, legatis, donationibus, tam inter vivos, quam causa mortis, & aliis quibuscumque modis, & titulis, scriptura etiam minus solemniter coram duobus, vel tribus Testibus, aut etiam cedula sola manu scripta, vel subscripta, & aliis in omnibus, & per omnia, prout & quomodolibet vobis videbitur, etiam in ipsa Curia & in mortis articulo, etiam nulla facta mentione presentis, vel aliarum vobis pro tempore concessarum similium facultatum, aut quod in vim illarum testari, seu disponere velitis, & intendatis, semel, atque iterum, aut pluries disponere, statuere, & ordinare, ita ut quicquid testatum, gestum, aut ordinatum, seu aliis dispositum à vobis fuerit, etiam in vim simplicis distributionis, ac alias omni meliori alio modo valeat, & servari debeat, ipsaque testamenta, codicillos, & dispositiones, ordinationes, legata, & Statuta pluries, ac toties quoties vobis videbitur moderari, limitare, ac etiam in totum revocare, & alia de novo condere liberè & licitè valeatis, auctoritate Apostolica eorumdem tenore presentium plenam, & liberam concedimus facultatem.

Liberatio
à spolio &
bonorum
de latio ad
hæredes.

§. 11. Et insuper statuimus, & ordinamus, vobisque indulgemus, quod si vos ab intestato, & sine ulla, vel cum minus valida bonorum, & rerum, ac fructuum, reddituum, & proventuum prædictorum dispositione in dicta Curia, vel extra eam, tam continuâ, quam interpolatâ inibi cujuslibet vestrum respectivè mansione, ac etiam extra Beneficia vestra, vel alia loca debita à vobis residentia personalis, etiam nulla subsistente causa, ab humanis decedatis, omnia, & singula bona, res & jura, etiam ut præfertur, qualificata, nec non spolia cujuscumque quantitatis, & valoris existentia, etiam ex prædictis, & aliis undecumque provenientia, ad Cameram Apostolicam, seu in dictis Beneficiis Successores non pertineant, sed ad hæredes vestri sanguinis integrè deveniant, & illis deficientibus inter familiares vestros arbitrio personarum, seu personarum, quas ad id scripto nominaveritis, distribuantur, nisi de alia dispositione, vel intentione vestra scriptura etiam minus solemniter fecus appareat, quam tunc velut efficacem ipsa persona, vel alii Judices, seu Executores omnino exequi, & adimplere, illique se conformare in omnibus, & per omnia debeant.

Dispositio-
nes confir-
mat &
supplet de-
fectus.

§. 12. Et nihilominus quaecumque hujusmodi testamenta, legata, donationes, dispositiones, & alia forsitan à vobis, nulla, vel minus sufficienti facultate suffultis de hujusmodi bonis, juribus, & actionibus, fructibus, pecuniis, jocalibus, aliisque rebus supradictis, etiam in favorem consanguineorum, & affinium prædictorum, & aliis quomodolibet facta, cum omnibus inde secutis, ac etiam ea, quæ per vos in futurum fient ex nunc, prout ex tunc, & è contrà, pro dicta summa sex milium ducatorum approbamus, & confirmamus, omneque & singulos juris, & facti, ac solemnitarum omittarum, & omittendarum, nec non substantiales, aliisque defectus quoscumque, si qui intervenerint, aut intervenerint in eisdem, etiam si tales sint, vel fuerint, quod specialis, specifica, & expressa de illis mentio presentibus habenda esset supplemus.

Inhibet
molestari.

§. 13. Districtius inhibentes quibuscumque Archiepiscopis, Episcopis, aut aliis Ecclesiarum Prælatibus,

nec non Camera prædictæ Præfidentibus, & Clericis, ac eorum, nec non Fabricæ Basilicæ Principis Apostolorum de Urbe, ac Cruciatæ Sanctæ, & aliis Collectoribus, & Subcollectoribus, cæterisque, cujuscumque dignitatis, status, gradus, & conditionis existentibus, etiam quavis auctoritate, & potestate fungentibus, sub excommunicationis majoris, aliisque Ecclesiasticis sententiis, censuris, & penis, ne Universitates, Collegia, ac loca, & legatarios, hæredes & personas, nec non testamentorum, voluntatum, & ordinationum hujusmodi Executores prædictos directè, vel indirectè quæsitò colore vel ingenio molestare audeant quoquo modo, vel perturbare.

Clausula
præserva-
tiva.

§. 14. Ac decernentes prædicta omnia, & singula, præsentelque Literas, & testamenta, donationes, codicillos, fideicommissa, legata, ordinationes, derogationes, dispositiones, & alia quaecumque, nec non quæ in præmissis facta sunt aut fieri contigerit, tam vigore presentis, quam etiam illarum concessionum vobis factorum, & deinceps in genere, & in specie faciendarum, cum inde secutis & secuturis, etiam si vos intra Curiam, aut in quacumque alia mundi parte extra Ecclesias, & Beneficia personalem residentiam requirerentia qualitercumque qualificata per vos nunc, & pro tempore obtenta, etiam pro vestra solâ voluntate, & nullâ subsistente causa non residendi, ab humanis decedere contigerit, sub Litteris rec. mem. Pii Papæ IV. Prædecessoris Nostri contrà quoscumque Episcopos, Archiepiscopos, & alios Prælatos, nec non Parochialium Ecclesiarum Rectores cæterosque residentia personalis prædictæ adstrictos extra illam quomodocumque decedentes septimo Kalend. Decembris Pontificatus sui anno quinto, aut alio veriori tempore emanatis, & sub quibuscumque aliis Constitutionibus, aut revocationibus, suspensionibus, limitationibus, modificationibus, Decretis, declarationibus Apostolicis, Cancellariæ Apostolicæ Regulis, ex quibuscumque causis, quantumque maximis, urgentibus, & inexcogitabilibus, etiam in favorem fidei, & Divini cultus augmentum, ac consistorialiter, etiam à Nobis, & Sede prædictâ hæcenus, vel nunc, & pro tempore factis, & editis minime comprehendendi, sed semper ab illis excepta, & quoties emanata fuerint, toties in pristinum & validissimum statum, & etiam sub posteriori datâ, etiam cum derogationibus, & clausulis, etiam derogatoriis derogatoriis, irritantibusque, & aliis Decretis per vos eligendâ apponendis, & latissimè specificandis reposita, restituta, & plenariè reintegrata, ac de novo concessa, validaque, & efficacia fore, nec non perpetua firmitate subsistere, suosque plenarios, & omnes effectus, quos de jure, stylo, consuetudine, aut aliis quomodocumque sortiri poterunt, ac vim veri, legitimi, jurati, stipulati, validi, & efficacis contractus inter vos, ex unâ, ac Nos, & Cameram prædictam ex alterâ partibus habere, nec etiam per promotionem ad Ecclesiam Cathedrali, etiam Metropolitanam, aut translationem, vel aliam status, & personæ vestra mutationem cessare, nec per similes, vel dissimiles gratias vobis concessas, & concedendas conungi, sed ipsis cumulative in omnibus, & per omnia uti, & si quid in unâ ex facultatibus hujusmodi defecerit, per aliam suppleri debere, nec hæredes, legatarios, ac loca, ad quos, seu quæ bona, jura, & actiones hujusmodi devenerint, vel quibus relinquuntur, aut Executores prædictos ad tertiam, seu aliam eorum partem, quam etiam ex nunc vobis, ac locis, hæredibus, legatariis, ac donatariis prædictis liberaliter concedimus, & donamus, Camera, vel Fabricæ, aut Beneficiis prædictis, etiam pro expeditione contrà infideles, & quibuscumque aliis, quantumlibet piis usibus solvendum; ac cum iis desuper componendum, vel vos ad illam particularem licentiam, sive indultum, aut confirmationem presentium à Nobis, vel Successoribus Nostri Romanis Pontificibus pentadam, aut impetrandam, vel etiam in a-

liis simi-

simili gratiâ, seu confirmatione illius vobis quomodocunque concedendâ, de præfenti mentionem aliquam faciendam ullatenus teneri, nec ad id ullâ unquam necessitate cogi posse.

Clausula
sublata &
Decretum
irritans.

§. 15. Et sic in præmissis omnibus, & singulis per quoscunque Judices Ordinarios, & delegatos, etiam causarum Palatii Apostolici Auditores, & ejusdem S. R. E. Cardinales, nec non pro tempore existentes dictæ Cameræ Camerarium, Præsidentes, & Clericos in quavis causa, & instantia, sublata eis & eorum cuilibet quavis aliter iudicandi, & interpretandi facultate & auctoritate, iudicari, & definiti debere, ac irritum & inane, si secus super his à quocumque quavis auctoritate scienter vel ignoranter contigerit attentari.

Executores
desig-
nat.

§. 16. Quocirca Venerabilibus Fratribus Nostriſ Oſtien. & Portuen. Cardinalibus Episcopis, & Dilecto Filio Curie Causarum Cameræ Apostolicæ Generali Auditori, per Apostolicâ scriptâ mandamus motu simili, quatenus ipsi, vel duo aut unus eorum per se, vel alium, seu alios præſentes Litteras, & in eis contenta quæcunque, ubi & quando opus fuerit, & quoties pro parte vestra desuper fuerint requisiti, solemniter publicantes, Nobisque in præmissis efficacis defensionis præſidio aſſiſtentes, faciant auctoritate Noſtra eaſdem præſentes Litteras & in eis contenta huiusmodi firmiter obſervari, ac vos illis omnibus pacificè frui, & gaudere, non permiſſentes vos per quoscunque, quavis auctoritate fungentes contra earundem præſentium tenorem quomodolibet indebitè moleſtari, inquietari, vel perturbari. Contradiſtores quoslibet, & rebelles per ſententias, cenſuras, & penas Eccleſiaſticas, aliaque opportuna juris, & facti remedia appellatione poſtpoſita, compeſcendo, ac legitimis ſuper his habendis ſervatis proceſſibus, cenſuras, & penas ipſas, etiam iteratis vicibus aggravando; invocato etiam ad hoc, ſi opus fuerit, auxilio brachii ſecularis.

Derogatio
contrariis.

§. 17. Non obſtantibus præmiſſis, ac piæ memoriæ Bonifacii Papæ VIII. Prædeceſſoris pariter Noſtri de una, & in Concilio Generali editâ de duabus dietis, dummodò ultra tres dietas aliquis auctoritate præſentium in iudicio non trahatur, nec non Lateranenſis Concilii noviffimè celebrati de certo Notariorum numero, etiamſi ad illum nondum devenitum fuerit, cui per hoc aliàs derogare non intendimus, ac de conſenſu præſtando in penſionibus, & quibuſvis aliis etiam per Nos, & Sedem prædictam editis, & in poſterum edendis Cancellariæ Apoſtolicæ Regulis, ac ſtylo in ſimilibus hætenus obſervato, ac rec. mem. Alexandri Papæ VI. etiam Prædeceſſoris Noſtri tertiam partem bonorum Eccleſiaſticorum Cameræ prædictæ deberi inter alia diſponente, nec non ejusdem Bonifacii Papæ VIII. per quam conceſſiones, fructus in abſentia percipiendi ſine præſcriptione temporis, fieri prohibentur, ac Pii Papæ IV. Prædeceſſoris pariter Noſtri de gratiis qualecunque intereſſe Cameræ Apoſtolicæ concernentibus in dictâ Camera intrâ certum tunc expreſſum tempus præſentandis, & regiſtrandis, ita quòd præſentes in eadem Camera nullo unquam tempore regiſtrari facere te- neamini, ac ſimilis rec. Urbani Papæ VIII. etiam Prædeceſſoris Noſtri de penſionibus, aliàs translatiſ iterum non transferendis, ac quorumvis aliorum Romanorum Pontificum Prædeceſſorum Noſtrorum, & quibuſvis aliis Apoſtolicis, ac in Univerſalibus Provincialibusque, & Synodalibus Conciliis editis generalibus, vel ſpecialibus Conſtitutionibus, & Ordinationibus, nec non legibus, etiam Imperialibus, & municipalibus, tam Urbis, quàm aliarum Civitatum, & locorum, in quibus Cives originarii creati exiſtitis, & quorumvis Eccleſiarum, Monaſteriorum, Ordinum, & Hoſpitalis prædictorum, nec non quorumvis Collegiorum,

& Officiorum dictæ Curie, & Regnorum, Provinciarum, & Urbis, ac aliarum Civitatum, & locorum, ac Cameræ prædictorum, etiam iuramento, confirmatione Apoſtolica, vel quavis firmitate alia roboratis Statutis, & conſuetudinibus, ſtabilimentis, uſibus, & naturis, etiamſi de illis ſervandis, & non impetrandis Litteris Apoſtolicis contra ea, nec etiam ab alio vel aliis impetratis, aut aliàs quomodolibet conceſſis utendo vos per vos, vel Procuratores veſtros præſtiteritis forſan hætenus, vel vos in poſterum præſtare contigerit iuramentum; Privilegiis quoque, indultis, & Litteris Apoſtolicis dictis Eccleſiis, Monaſteriis, Ordinibus, & Hoſpitalibus, illorumque Præſulibus, ſeu Adminiſtratoribus, & Superioribus, ac Magiſtris, Præceptoribus, Prioribus, Militibus, Antianis, Capitulis, Conventibus, Civitatibus, & locis, aliſque perſonis, etiam particularibus, nec non Archiepiſcopis, Episcopis, & aliis Ordinariis, etiam eiſdem Cardinalibus, ac dictæ Curie Officialibus, illorumque Collegiis, ac etiam decimarum, pedagiorum, gabellarum, & onerum Exactoribus, & Appaltatoribus, & aliorum onerum Redemptoribus ſub quibuſcunque tenoribus, & formis, ac cum quibuſvis etiam derogatoriarum derogatoriis, aliſque efficacioribus, efficaciffimis, & inſolitis clauſulis, ac irritantibus, & aliis Decretis per quoscunque Romanos Pontifices Prædeceſſores Noſtros, ac etiam Nos, & Sedem prædictam, etiam conſiſtorialiter, ac de eorumdem Cardinalium conſilio, etiam per modum Statuti, & Conſtitutionis perpetuorum, ac motu, & ſcientiâ ſimilibus, deque Apoſtolicæ poteſtatis plenitudine, vel ad Imperatoris, Regum, Reginarum, Ducum, Marchionum, & aliorum Principum inſtantiam, ſeu illorum contemplatione in genere, vel in ſpecie, aliàs quomodolibet etiam iteratis vicibus conceſſis, etiamſi in eis, ac Statutis, & ſtabilimentis prædictis caveatur expreſſè, vel tacitè, quod Urbis niſi originariis Civibus Romanis, ac Civium eorumdem filiis conferantur, quòdque nonnullarum Eccleſiarum Beneficia, niſi per perſonas illuſtres, vel Nobiles, ac etiam originarios Cives, aut aliàs certo modo in illis expreſſo qualificados obtineri non poſſint, & nulli in Cives Urbis, ac Civitatum, Oppidorum, & Terrarum, & locorum huiusmodi admitti, ſeu aliorum privilegiis uti poſſint, niſi prius in dictis Civitatibus, Oppidis, Terris, & locis per certum tempus habitaverint, ſeu etiam in illis bona etiam ſtabilia forſan ad certum valorem aſcendentia poſſederint, quòdque Præceptoris, & alia Beneficia quæcunque dicti Hoſpitalis tam ex Juris inſtitutione, quàm ex ſtabilimentorum prædictorum diſpoſitione penſionibus Clericis ſecularibus, & aliis perſonis, etiam Apoſtolicâ auctoritate reſervandis gravari non poſſint, quòdque ſtabilimentis, & privilegiis prædictis, etiam vigore implicitæ derogationis latiſſimè extendendæ, etiam per quacunque Litteras Apoſtolicas, & qualvis etiam derogatoriarum derogatorias, efficaces, & inſolitas clauſulas derogari non poſſit nec derogatum cenſeatur, niſi derogatio huiusmodi de conſilio Cardinalium eorumdem fiat, & tùm demùm Magiſtri, & Conventus prædictorum ad id accedat aſſenſus, ſintque Litteræ derogationis huiusmodi etiam per dictum Magiſtrum ſubſcriptæ, ac illi, & præſato Conventui per diverſas in formâ Brevis, aut alias Litteras diverſis temporibus cum certis intervallis præſentatas intimatæ, & non aliàs, nec alio modo, & ſemper in omnibus, quæ ſic ſient, etiam de ſimili conſilio, derogationibus ſit appoſita clauſula, quod illarum effectum fortiantur de conſenſu Magiſtri, & Conventus prædictorum, & non aliàs, nec alio modo; quòdque ipſi Exactores, & Appaltatores, decimas, pedagia, & onera huiusmodi, etiam ab exemptis exigere, & alias ad ſolutionem, ſeu contributionem cogere, & com-

pellere possint, seu debeant. Quibus omnibus, illorum omnium tenores, ac si de verbo ad verbum inferrentur presentibus pro expressis habentes, illis aliis in suo robore permanens, hac vice dumtaxat in genere, & in specie ad effectum presentium sufficienter & expresse derogamus, ac derogatum esse decernimus; Quodque vos primam non feceritis in Ecclesiis hujusmodi personalem residentiam consuetam, cæterisque contrariis quibuscunque.

§. 18. Volumus autem, quod antequam gratia creationis in Nostros, & Sedis Apostolicæ Notarios vobis, ut supra, facta perfrui valeatis, in manibus alicujus personæ in dignitate Ecclesiastica constitutæ professionem fidei juxta articulos pridem à Sede prædictâ propositos expresse emittere, & solitum fidelitatis juramentum præstare omnino te neamini.

§. 19. Quodque presentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fides ubique adhibeatur in judicio & extra, quæ adhiberetur ipsis presentibus, si forent exhibitæ, vel ostensæ.

Cæterum volumus pariter, atque decernimus, ut, illis ex vobis, quibus similes testandi de bonis, ac pensiones transferendi facultates à Romanis Pontificibus Prædecessoribus Nostri, quorum respectivè etiam familiares continui commensales erant, concessæ fuerunt, præsentibus Litteris quoad facultates testandi de bonis, & transferendi pensiones hujusmodi minime suffragentur. Datum Romæ apud Sanctam Mariam Majorem sub Annulo Piscatoris die 12. Januarii 1690. Pontificatus Nostri Anno primo.

Adimplenda ante usum Notariatus.

Transumptorum fides.

Indulta testandi & pensiones transferendi non suffragantur iis qui aliis obtinuerunt.

P. A. primo D. 12. Januarii 1690.

VII.

Indulgentiæ pro visitantibus certas Indiarum Ecclesias cum concessione quarundam facultatum pro Societatis Jesu utriusque Indiæ Presbyteris.

ALEXANDER PAPA VIII.

Ad futuram rei memoriam.

A Nimarum salutis Paternæ charitate intenti, supplicationibus Dilecti Filii Thyrri Gonzales Societatis Jesu Præpositi Generalis nomine Nobis super hoc humiliter porrectis inclinatis, ac multorum Prædecessorum Nostrorum Romanorum Pontificum vestigiis inhaerentes, de Omnipotentis Dei misericordiâ, ac Beatorum Petri, & Pauli Apostolorum ejus auctoritate confisi, omnibus Christi fidelibus in quibuscunque Oceani Indiis, aut Sinarum Regione, vel Brasiliâ constitutis presentibus, & futuris verè penitentibus, & confessis, ac Sacram Communionem refectis, quoties aliquem ex infidelitate, & idololatriâ ad veri Dei cognitionem reduxerint, plenariam, nec non eisdem etiam verè penitentibus, & confessis Sancti Thomæ Apostoli in Indiis prædictis, vel aliquam ex certis Dilectorum Filiorum Presbyterorum Societatis Jesu Ecclesiis illarum partium, Deo, vel in honorem Sanctorum erectis, nec non omnes, & singulas hujusmodi Ecclesias Collegiorum, Domorum, & Residentiarum ejusdem Societatis Regionum præfatarum, saltem inter se per centum millia distantes, ut supra, erectas, singulis annis quatuor diebus Festis Domini Nostri, Beatæ Mariæ Virginis, aut Sanctorum per dictæ Societatis Præpositum Generalem designandis, visitantibus, & inibi Sanctissimum Eucharistiæ Sacramentum fumentibus, ac pro Gentilium, & hæreticorum conversione pias ad Deum preces fundentibus, etiam plenariam.

§. 2. Omnibus etiam, & singulis tam Presbyteris, quam aliis de dictâ Societate existentibus, quos in qualibet utriusque Indiæ Regione, vel Oceani Insulâ, aut navigatione pro fidei negotio

eundo, vel redeundo mori contigerit, in cuiuslibet eorum mortis articulo, saltem contritis, & confessis, si communicare nequiverint, plenariam pariter;

§. 3. Scholaribus verò in utraque India existentibus, ac Confraternitati Beatæ Mariæ Virginis ibi Canonice institutæ adscriptis, qui in Annuntiationis, & Assumptionis ipsius Beatæ Mariæ Virginis festis, dictum Sanctissimum Eucharistiæ Sacramentum sumpserint, & Coronam, vel tertiam partem Rosarii recitaverint, nec non utriusque sexus Christi fidelibus aliquam ex Confraternitatibus Canonice erigendis ingressis, qui in festivitate Sanctissimi Corporis Christi, & illius octava poenitentes similiter, & confessi, idem Sanctissimum Eucharistiæ Sacramentum sumpserint, & in cuiuslibet eorum utriusque sexus Christi fidelium mortis articulo, etiam penitentibus, & confessis, ac Sacram Communionem refectis, vel saltem contritis, si confiteri, & communicare non potuerint, plenariam similiter omnium peccatorum suorum Indulgentiam, & remissionem misericorditer in Domino concedimus.

§. 4. Insuper dictis Scholaribus hujusmodi Confraternitati adscriptis, qui in singulis ejusdem Beatæ Mariæ Virginis, ac Resurrectionis, Pentecostes, & Nativitatis Domini Nostri Jesu Christi festivitatibus, confessi, & contriti præmissa peregerint, decem annorum de injunctis eis, seu alias quomodolibet debitis penitentibus, eis quoque, qui in singulis diebus Veneris cuiuslibet Quadragesimæ devotè processionibus publicis in partibus, & locis transmarinis ad orandum pro conversione Gentilium, & Hæreticorum præfatorum, juxta ritum Ecclesiæ Romanæ institutis, interfuerint, trium annorum. Reliquis verò omnibus eisdem Processionibus presentibus, contritis, & confessis, unius anni Indulgentiam elargimur.

§. 5. Quodque pro animabus eorum Christi fidelium, qui in præfatis utriusque Indiæ navigationibus pro negotio fidei instituendis ab humanis in charitate Christo conjuncti decesserint, confessi, ac Sacram Communionem refecti, tertiam partem Rosarii, aut unam Coronam recitaverint, quoties id agent, toties per modum suffragii unam ex dictorum animabus à pœnis Purgatorii liberare valeant. Quodque Scholares utriusque Indiæ hujusmodi, qui in Scholis Presbyterorum dictæ Societatis dant operam Litteris in Presbyterorum eorundem Ecclesiis Missas, vel alia Divina Officia tempore interdicti, & cessationis à Divinis, ipsique Presbyteri iisdem Scholaribus presentibus januis clausis, & non pulsatis campanis, & dummodò ipsi causam hujusmodi interdicto non dederint, & interdictis ac excommunicatis exclusis, audire & celebrare respectivè possint, concedimus, & indulgemus.

§. 6. Insuper præfatis omnibus, & singulis utriusque sexus Christi fidelibus in Indiis, & Regionibus prædictis existentibus, qui contriti, & confessi quamlibet Ecclesiam, & Capellam in eisdem partibus dictorum Presbyterorum Societatis Jesu curâ, & operâ, ut supra erectam, aut in futurum erigendam devotè visitaverint, & ut supra oraverint, quadraginta dies, & semel quolibet anno aliquo die festo Domini Nostri Jesu Christi, Beatæ Virginis Mariæ, aut Sanctorum, quem Provincialis, dictæ Societatis constituerit, septem annos, & totidem quadragenas.

§. 7. Eisdem, qui aliquam ex prædictis Ecclesiis dictorum Presbyterorum Societatis Jesu Quadragesimæ, & aliis temporibus Stationum Urbis Dominicis, & feriâ sextâ diebus visitaverint, eisdem omnes, & singulas Indulgentias concedimus, quas consequerentur, si Ecclesias, & Basilicas Urbis in diebus Stationum hujusmodi devotè visitarent; illisque, qui singulis diebus feriæ sextæ primæ hebdomadæ ejusque mensis eisdem Ecclesias devotè visitaverint, & ibi quin-

Pro Scholaribus Confraternitatis B. Virginis & aliquam Confraternitatem ingressis.

Indulgentur dictis Scholaribus præscripta per agentibus in decem annos.

Aliis in tres.

Reliquis in unum.

Vires precum pro iis qui in navigationibus pro fide decesserint.

Permittitur Scholaribus & Presbyteris divinum exercitium tempore interdicti.

Pro orantibus in certis Ecclesiis quadraginta dies quotannis, & semel in certo die festo.

Pro visitantibus easdem Ecclesias certis temporibus & feriis, ac in iis communicantibus.

quies